



UNIVERSITÄTS-
BIBLIOTHEK
PADERBORN

**LEGVM PON||TIFICIARVM GRE-||gorij noni, seu
Decretalium pentateu-||chus**

Mesnart, Martin

Parisiis, 1555

xxxi. De excellibus praelatorum & subditorum.

[urn:nbn:de:hbz:466:1-63486](https://nbn-resolving.org/urn:nbn:de:hbz:466:1-63486)

De eo qui ordinem furtive suscepit.

Tit. 30.

1. Veniens
2. Cum h.
3. Inno-
tuit.

Qui furtim ordinem suscepit, si facien-
bus indicta erat excommunicatio, sine
dispensatione Ro. Pontificis in suscepto ne mi-
nistrato, neve ad superiorem ascendito. Sin
non erat: & episcopus, & abbas cum eo dispen-
sare valento.

De excessibus praelatorum, & subdi-
torum. Tit. 31.

De excessibus praelatorum.

1. Perue-
nit.

Prælati presbyteros humanè fouento, eos
ne concutiūto, grauāto, sine iudicio capituli
ne suspendunto, neve eorum ecclesias interdi-
cto subiiciunto, quempiam binas ecclesias, qua-
rum altera sufficiat, tenere ne permittunto, nec
sine iudicario ordine excommunicanto. Qui
faxit ei exemplaris pœna esto.

11. Inter
dilectos.

Prælati, qui prima conlatione inhabili facta
non quassata secundam facere adtentauerit, et
vice potestate conferendi priuator, neutra au-
tem conlatio valeto.

18. Tan-
ta est.

Prælati, qui interdictum malignè violau-
erit, potestate instituendi, destituendi, beneficia
conferendi, excommunicandi, interdicendi ip-
so facto priuatus esto. Qui ei in violatione ad-
fuerint pro modo delicti puniuntor.

10. Ex li-
teris.

Prælati cuius authoritate directè, vel indire-

Etè commissum erit homicidium officio sacerdotali & pontificali priuatus episcopatu cedito. ni cedere volet, remouetur.

Prælatus inferior ecclesiam suam alteri vnire ^{8. Sicut vnire.} sine episcopi consensu, quamuis accedat ad sensus metropolitani, ne valeto. si faxit: episcopus id infirmato. Sicut enim episcopatus vnire, & alienæ potestati subiicere solius est Ro. pontificis, ita ad episcopum ecclesiarum suæ dioceseos vnio & subiectio pertinet.

Episcopus tamen ecclesias à consuetudine ^{2. Ad hac.} & obsequio archidiaconorum liberat ne constituto. si factum erit: debitè conrigitor, emendator.

Sed & iidem archidiaconi in ecclesias archidiaconatuū suorum ne se autoritate propria ^{3. Ad aures.} intrudunt. Qui eas sic occupassint easdem dimittere canonicè coguntur. Illæ de personis idoneis ordinantur, illi debitè puniuntur.

Porrò si quid episcopi præter debitam obedientiam ab abbatibus contra libertatem ordinis à Ro. pontifice indultā exegerint: his quod petitur denegare autoritate apo. liberum esto. ^{5. Sanè.}

Itaq; si, verbi gratia, numerum euectionum, & personarum lateranensi concilio scitum, quū ^{7. Cum ad quorundā} visitabunt, excedent, & pro eis procuracionem exigent: ne obeditor. Si propter hoc in ecclesias, vel clericos aliqua sententia lata erit: ne teneto.

De matrimonialibus autem causis cognoscere, ^{12. Accedentibus,} publicas pœnitētias iniūgere, literas indulgē-

De eo qui ord. furt. suscep.

tiarum concedere episcopalis dignitatis esto. Ad ea nullus abbas (nisi fortè priua lege, aliave iusta causa se tuebitur) manum extendito.

13. *Dilectus.*

Cæterum, quia de pœnitētia sermo incidit, facer os ad prodendum criminofum in pœnitētia confessum à superioribus ne cogitor.

16. *Nimis iniq̄ua.*

Sed & prælati religiosorum confessiones eis inuitis ne audiūto, pœnitētijs ne iniūgunt, eucharistiā ne exhibent. quam & in eorum oratoris reseruari permittunt. néve apud se sepeliri fratres defunctos, aut eorum exequias celebrari cogunt. Si quis decedentium fratrum a libi quàm in eorum ecclesijs sepulturam elegerit: funus primò apud se deferri, vt oblatio eorum vsibus cedat, ne compellunt. Eos campanam, ac cœmeterium habere, & quotiēs volēt, celebrare sinunt. Certum numerum fratrum, sacerdotum, clericorum, laicorum, cereorum, lampadarum, ac id genus ornamentorum arbitrio suo ne taxāto. Residuum eorundem cereorum, cum adponentur noui, ab eisdem ne exigunt, novos eorum sacerdotes primas missas vbi elegerint celebrare sinunt. oblationes quæ eis in quotidianis missis, vel alijs quod eis in ornamentis, vel libris ecclesiasticis confertur ne vendicant.

17. *Nimis praua.*

Maximè autem fratres prædicatores, & minores ad synodos suas venire, ac suis constitutionibus subiaccere ne cogunt, capitula, & scrutinia in locis eorum pro his conrigendis facturos se ne comminant, fidelitatem iuratam à prælati eorum ne exigunt, eis, vt secum procedāt.
ex leui

ex leui causa ne mandanto, beneficos eorum ne excommunicanto, ipsismet fratribus excommunicationem, & à loco remotionem, vt eos imperiosè in obsequio retineant, ne minitantor, aut ad honorabilia loca accedentes, eosve ibidem recipientes excommunicanto, de hortis eorum decumas, aut de habitaculis reditus ne extorquento, praelatos eisdem pro arbitrio ne præficiunto.

Et subditorum.

Subditi singulareis in præiudicium sui superioris signa collegii ne habento, eisve vtuntor. 14. Dilectam.

Subditus, qui praelatum dominum suum contra fidem datam negasset, vel in foro seculari de spiritualibus rebus contra eum litem intentasset, eumve inuasisset, aut inuasoribus adfuerit, beneficio priuator. 15. Gratum.

Sic & vicarii qui personis fide & sacramento obligati erunt, si personatum sibi falso adsumentes contra personas se erexint, in iure confessi, vel conuicti nullatenus de cætero in eo episcopatu ad officii sui executionem admittuntor. 6. Illud.

Clericus, qui de crimine publice gloriatus erit, ab officio beneficio suspenditor. 9. Quam sit.

Qui contra naturam incontinentes deprehensi erunt, si clerici, à clero deiciuntor, vel pœnitentiæ ergo in monasteria detruduntor, si laici, excommunicantor. 4. Clerici.

BB